

Toshkentda Haydar Aliyev sharafiga nomlangan ko'cha ochildi



Ozərbayjon Prezidentining davlat tashrifi Heydar Aliyev sharafiga nomlangan ko'cha va yodgorlik ochilishidan boshlandi.

Shu munosabat bilan o'tkazilgan tantanali tadbirda O'zbekiston Prezidenti Shavkat Mirziyoyev va Ozərbayjon Prezidenti İlhom Aliyev ishtirok etdi.

Yig'ilganlar oldida nutq so'zlar ekan, Prezident Shavkat Mirziyoyev Ozərbayjonning umummilliy yetakchisi va birodar ozərbayjon xalqiga o'z hurmat-ehtiromini bildirdi.

- Prezident İlhom Aliyevning O'zbekistonga tashrifi Ozərbayjon xalqining umummilliy yetakchisi, o'zbek xalqining yaqin do'sti Heydar Aliyev sharafiga nomlangan ko'chaning ochilish marosimidan boshlangani katta ramziy ma'noga ega.

U kishi XX asrning atoqli siyosiy va davlat arbobi, mustaqil Ozərbayjonning asoschisi sifatida tarixga kirdi. Heydar Aliyevning qat'iyati, kuchli siyosiy irodasi va beqiyos yetakchilik sifatleri tufayli yosh suveren davlat barcha qiyinchlik va sinovlarni munosib yengib o'tdi, - dedi Prezidentimiz.

O'zbekiston rahbari Ozərbayjon umummilliy yetakchisi mamlakatlarimiz o'rtasidagi do'stlik munosabatlari va qardosh xalqlarimizning tarixiy rishtalarini izchil mustahkamlashga ulkan hissa qo'shganini alohida ta'kidladi.

Ozərbayjon Prezidenti, o'z navbatida, ushbu tashrif uning pandemiyadan keyingi ilk xorijiy tashrifi ekanini qayd etib, davlatimiz rahbari va O'zbekiston xalqiga Heydar Aliyevning yorqin xotirasini asrab-avaylashga qaratilayotgan doimiy e'tibor uchun minnatdorlik bildirdi.

- Aziz qardoshim Shavkat Miromonovichdan Toshkent markazida otam Heydar Aliyev xotirasiga bag'ishlab shunday ko'rkam go'shani barpo etish tashabbusi uchun juda minnatdorman. Biz buni o'zbek qardoshlarimizning buyuk yetakchimizga, umumiy tariximizga chinakam birodarona munosabati sifatida

qabul qilamiz. Bu butun Ozarbayjon xalqiga xurmat ifodasi hamdir, - dedi Ozarbayjon yetakchisi.

Marosimda ziyolilar, nuroniylar, ozarbayjon yurtdoshlarimiz ham soʻzga chiqdi. Ular Haydar Aliyev nomidagi obod koʻcha va hiyobon qardosh xalqlarimiz oʻrtasidagi mustahkam doʻstlikning yorqin ramzi ekanini taʼkidladilar.

Oʻzbekistonda ozarbayjon millatiga mansub 40 ming nafarga yaqin yurtdoshlarimiz istiqomat qilmoqda. 2003 yilda Ozarbayjon madaniyat markazlari uyushmasi tashkil etilgan. 2010 yilda Ozarbayjon elchixonasi qoshida Haydar Aliyev nomidagi Ozarbayjon madaniyat markazining yangi binosi ochilgan.

Shundan soʻng Ozarbayjon Prezidenti davlatimiz rahbari hamrohligida “Yangi Oʻzbekiston” bogʻiga tashrif buyurib, Mustaqillik monumenti poyiga gul qoʻydi.





Özbeğin Respublikası Prezidentligi
MATBUOT XIZMATI



Özbeğin Respublikası Prezidentligi
MATBUOT XIZMATI

Manba